

福建地方志丛刊

八闽通志

下

〔明〕黄仲昭修纂

福建省地方志编纂委员会主编

福建人民出版社出版

福建省地方志编纂委员会主编

福建地方志丛刊

八闽通志

下

〔明〕黄仲昭 修纂

福建省地方志编纂委员会旧志整理组
福建省图书馆特藏部 整理

福建人民出版社

1991年·福州

八 闽 通 志

下

〔明〕黄仲昭 修纂
福建省地方志编纂委员会主编

*

福建人民出版社出版

（福州得贵巷27号）

福建省新华书店发行

福建新华印刷厂印刷

开本850×1168毫米 1/32 32.75印张 4插页 788千字

1991年6月第1版

1991年6月第1次印刷

印数：1—800

ISBN 7—211—01144—0

K·75 定价：35.00元

下册目录

- 卷之四十四.....(1)
 学校 福州府 建宁府 泉州府
- 卷之四十五.....(20)
 学校 漳州府 汀州府 延平府 兴化府 福宁州
- 卷之四十六.....(41)
 选举
 科第 福州府
- 卷之四十七.....(68)
 选举
 科第 福州府
- 卷之四十八.....(93)
 选举
 科第 福州府
- 卷之四十九.....(120)
 选举
 科第 建宁府
- 卷之五十.....(150)
 选举
 科第 泉州府
- 卷之五十一.....(181)
 选举
 科第 漳州府 汀州府
- 卷之五十二.....(208)
 选举

- 科第 延平府 邵武府
卷之五十三.....(234)
选举
- 科第 兴化府
卷之五十四.....(256)
选举
- 科第 兴化府
卷之五十五.....(275)
选举
- 科第 兴化府 福宁州
卷之五十六.....(299)
选举
- 岁贡 福州府 建宁府 泉州府 汀州府 延平府
卷之五十七.....(326)
选举
- 岁贡 邵武府 兴化府 福宁州
荐辟
卷之五十八.....(357)
坛壝
- 祠庙 福州府
卷之五十九.....(379)
祠庙 建宁府 泉州府 漳州府 汀州府
- 卷之六十.....(400)
祠庙 延平府 邵武府 兴化府 福宁州
- 卷之六十一.....(419)
恤政
- 卷之六十二.....(443)
人物 福州府

- 卷之六十三.....(469)
 人物 福州府
- 卷之六十四.....(497)
 人物 建宁府
- 卷之六十五.....(525)
 人物 泉州府
- 卷之六十六.....(553)
 人物 建宁府 泉州府
- 卷之六十七.....(576)
 人物 泉州府
- 卷之六十八.....(604)
 人物 泉州府 漳州府
- 卷之六十九.....(634)
 人物 汀州府 延平府
- 卷之七十.....(664)
 人物 邵武府
- 卷之七十一.....(686)
 人物 兴化府
- 卷之七十二.....(710)
 人物 兴化府 福宁州
- 卷之七十三.....(736)
 宫室 福州府 建宁府 泉州府
- 卷之七十四.....(755)
 宫室 漳州府 汀州府 延平府 邵武府 兴化府
 福宁州
- 卷之七十五.....(773)
 寺观 福州府
- 卷之七十六.....(793)

- 寺观 福州府 建宁府
卷之七十七.....(815)
- 寺观 建宁府 泉州府 漳州府
卷之七十八.....(835)
- 寺观 汀州府 延平府 邵武府
卷之七十九.....(859)
- 寺观 兴化府 福宁州
· 丘墓
卷之八十.....(885)
- 古迹
卷之八十一.....(908)
- 祥异
卷之八十二.....(927)
- 词翰 福州府 建宁府
卷之八十三.....(948)
- 词翰 泉州府 漳州府 汀州府
卷之八十四.....(966)
- 词翰 邵武府 兴化府 福宁州
卷之八十五.....(985)
- 拾遗 福州府 建宁府
卷之八十六.....(1006)
- 拾遗 泉州府 漳州府 汀州府 延平府 邵武府
兴化府
卷之八十七.....(1027)
- 拾遗 兴化府 福宁州
八闽遗志跋.....(1042)

八闽通志卷之四十四

学 校

按旧志，莆人郑露倡学于梁、陈之间，福人薛令之登第于神龙之际，则闽人知学其所由来也远矣。而《唐史》则谓自常袞兴学校，而闽人始知学，何欤？盖闽人知学虽已久，至袞大兴学校而始盛也。自时厥后，闽之文物骎骎与上国齿，至宋遂有“海滨邹鲁”之称。有元九十余年，俗沦于夷，学校之教虽未尝废，而斯文终有愧于古。天启文明，我太祖高皇帝廓清海宇，继天立极，乃令天下郡邑皆立学以教髦士。而学必有庙以祀孔子，盖欲学者一以孔子之道为宗，而不为他歧所惑也。

列圣相承，其所以申饬而作兴之者益明且备。故贤才之出彬彬焉挟于唐，而几于宋。猗欤盛哉！闽诸郡邑学校及诸名人贤士讲学之所，贤有司能祇承德意者多所修葺，是不可以无纪。间有废者，其流风余韵亦足以兴起后学，皆不可少也。乃志学校。

福州府

府学 在府城南兴贤坊内。旧在子城西北一里许，唐大历间，观察使李椅¹移建今所。唐乾宁元年，王潮²于州四门置义学。五代梁龙德元年，王审知置四门学，以招徕四方之秀。吴越时作新宫，号使学。宋太平兴国中，转运使杨克让始作孔子庙。景祐四年，权州事谢微表请于庙立为府学，从之。诏下，微适罢去，郡守范亢、许宗寿³踵其事，历五年乃成。有九经阁、三礼堂、黉舍、斋庐、旁翼两序，庖次井饮，百用皆给。熙宁三年灾。郡人韩昌国、刘康夫等二百人请自创建，郡守程师孟许之。既而属县之士皆如昌国请，不一月，集钱三百万，为门，为殿，为公堂，环列十斋，以居学者。公堂之后，又别为室以藏书，为堂以讲议，为斋以处师友，盖合百有三十间。仍表请更定圣贤像制。元祐八年，郡守王祖道复斥东西序之北二百四十尺，增斋舍为二十。而小学在中门外之左，客次在中门外之右。旧庙学门皆西出，至是改建外门，直中门之南。崇宁元年，行舍法，始自朝廷选择教授，增养士之额，益

广为三百五十一区，为堂三，为斋二十有八⁴。后罢舍法，省斋为十有二。嘉熙元年，重建棖星门。景定四年毁。明年，帅守王铎撤唐安寺材，建礼殿；撤城南澳游亭，建养源堂于殿之东北，创奎文阁于堂之北；复构戟门及棖星门，而别立学门于其东，凿泮池而桥其上。桥之西为米廩，北为中门，中门之西北为钱粮司，又西为守宿房、祭器库。北为学厅。厅之北列横廊三重，前廊之中为中亭。廊各五斋。元大德八年，教授陈仲晦创丽泽亭于奎文阁之后，前立表曰“杏坛”，宪使程文海书匾。皇庆元年，省十五斋为六斋，各设训导。延祐四年，宪使赵宏伟拓礼殿而大之，塑先圣十哲像于中，辟两庑，塑从祀像九十有五⁵。撤旧钱粮司、守宿房、祭器库，拓戟门东为祭器库，西为乐器库。更立棖星门。门之内，东为神厨，西旧更衣亭。泰定二年，棖星门及更衣亭、神厨俱为暴风雨所坏。三年，教授陈震重建。又言于总管刘元亨创建米廩。五年，复以宪使易释董阿之命新厅后中亭。至正十年⁶，教授陈俊建明伦堂及六斋。国朝洪武初，葺礼殿，匾曰“大成”。寻割其后养源堂、丽泽亭并杏坛地为贡院。殿前东西为两庑，南为大成门，又南为棖星门。门内东为神厨，西为常衮祠及更衣亭，大成门之东为神库。殿之东为明伦堂。堂之前东西为四斋。南为中门，并堂之东为膳厨。宣德九年，又建堂于明伦堂之北，仍匾以“养源”。二堂之间为致斋所二，左曰“斋明”，右曰“肃雍”。学之东为教授及训导廨舍凡四所。学之西并礼殿东壁为号房若干楹。成化三年，巡按御史涂棨以国初所须铜铸祭器如尊、罍、鬲之属，皆岁久剝弊，因命工并筮、豆、簋、簠俱范铜而重铸之。十三年，知府唐珣大修庙学，礼殿前翼以舞亭。撤旧明伦堂，北却三丈许重建，为间凡七。并建养源堂，其间如明伦堂之数。旧东西两斋各九间亦增之，合为二十有六。东西号房皆以次修建，泮桥西米廩后改为更衣亭。射圃在学之东偏。旧在明伦堂之东，今光风霁月亭其故址也。宋淳熙四年，郡守陈俊卿创。仍构亭其中，匾曰“序宾”，后废。国朝宣德间改建于今所。正统十年，御史陈永辟其地建观德亭。成化十四年，知府唐珣重建，东西复增两序。十九年为风雨所坏，寻复修葺。

闽县学 在府治东南罗山之麓。唐制，倚郭县不复设学。至宋庆历中始建。治平元年修。熙宁中，邑令方叔完重建。崇宁初，舍法行，寓于府学，后复旧。元至元十五年毁。越五年，学官丁尧建礼殿。元贞元年，学官韩挺特建斋庐。大德七年，吴鼎来建讲堂。十一年，陈振玉树奉门，立尊道堂。至大三年，学官高琳子绘从祀像⁷，造祭器。泰定二年，县尹张德、学官蒋景说拓礼殿而深之。国朝洪武二十三年，御史陈述、副使李惟益撤其旧重建。正统十二年，御史陈永复广其規制。继而御史丁澄又悉撤而更之，拓地三倍于旧。天顺间，御史顾俨又鬻民地以广学前之路。成化九年，御史尹仁复拓其后，以取方正。而提学金事钟诚⁸议欲右市民居后门法海寺地以益其址，知府郑时遂厚其直以鬻之。于是更建大成殿并东西两庑。东南为学门，殿后为明伦堂，列两斋于左右，徙旧崇文阁于堂后，而夹以两翼。十二年，知府唐珣绘殿堂，新戟门、棖星门并殿前舞亭，阶砌墀道，以至号房、庖福、垣墙、门径，悉

修建一新。**鳌峰书堂**在府城内东南鳌顶峰下。宋状元陈诚之读书处也。今废为民居，故址漫不可考。**龙首涧书堂**在府城东瑞胜里东山，宋状元许将尝肄业于此。治平四年，知县陈靖大书刊石曰“龙首涧”。今东山大乘寺西庵即其地也。

侯官县学在府治南、县治之东，宋庆历中建，寻复修之。熙宁九年，县令方叔宅建礼殿于讲堂之西，并塑像其中。崇宁舍法行，亦寓府学，后复旧。景定四年，礼殿毁，寻建。元至大二年，县尹郝衍割县东之地以广西虎，创尊道堂于讲堂后。延祐五年，县尹魏扬祖重修。国朝宣德十年，教谕罗伦以其規制隘陋，请于布政使周颐拓其址，重建明伦堂。堂之前左右为两斋，东为膳厨，北为尊经阁。阁之下为养贤堂，南为中门，又折西而南为外门，门内之西为侧门，入礼殿，东为文奎阁。正统十一年，御史丁澄又创集英堂于尊经阁之后。十四年，镇守刑部尚书薛希琏创棂星门，修大成殿，饰圣贤像。成化十八年，知府唐珣重建两虎及棂星门，饰圣贤像。莆田郑璠为记。**拙斋书院**在府治西南三山驿前。宋儒林拙斋之奇与其徒吕东莱祖谦讲道处也。乡大夫士仰止二先生学行，遂相与修葺之，像拙斋于其中，而以东莱配。状元黄朴匾其堂曰“尊拙”，莆田陈宓复匾其门曰“拙斋林先生书院”。岁久而圯。国朝成化间，其裔孙培重建。复像拙斋于中，左配以东莱，右附以拙斋之从子子冲及子冲之子畊，而其门堂之匾则皆仍其旧云。**三山书院**在府城西关外西湖之上。宋宝祐二年，提刑王伋创建¹⁰。元至元间，参政史弼立匾。政和元年，宪使易释董阿重建。**古灵书院**在府城西南六十里，古灵溪之滨，宋儒陈襄读书处也。中为堂，塑宣圣燕居像于其中。旁为祠以祀襄。岁久颓圯，惟先圣之像独存。成化改元，乡人林宪率众草创，号“古灵书塾”。

怀安县学在府治西。宋大中祥符四年，主簿陆东始建庙于石岙旧县治之东隅，东自为记。嘉祐二年，知县樊纪移于县西，建礼殿、学宫、讲堂、斋室咸备。周希孟为记。及舍法行，增至八十一区。建炎中毁于建寇。绍兴初改创县东，为斋三¹¹。宝庆三年，知县徐璩重修。元因之。国朝洪武十二年，徙县治入郡城，遂移今所，先建讲堂。正统二年，布政使周颐始市民地建大成殿于讲堂之西南。四年，布政使方正、参政宋彰建东西两虎。肖宣圣及四配十哲像。复拓地创明伦堂及东西两斋于殿之左。七年，御史张淑建戟门及棂星门，又市民地于明伦堂之后，欲建后堂而未果。十一年，邑士民林崇等请助以己资创建会慎堂二。堂之间为中堂。轩、舍、庖、廩咸备。翰林学士庐陵陈循为记。十三年，御史柴文显又辟棂星门之外为路，以抵通衢。建外门，匾曰“儒林”。成化八年知县胡节、教谕陈文修，十六年知府唐珣、知县李亮复修殿堂两虎，更创棂星门以及斋舍，焕然一新。**登云书院**在府治西登云坊内，旧灵官堂址也。成化十七年¹²，知府唐珣建。中为正堂，塑夫子及四配像，匾曰“燕居”。正堂之后复为堂，为师生讲授之所，匾曰“敬义”。二堂左右及正堂之前为书室，凡二十余间，匾以重门，缭以周垣，庖廩溷濶罔不备具。

岁延师其中以训迪诸生，复买田给之。以其地在登云坊之内，因匾曰“登云书院”。莆田黄仲昭为记。 **瓜山义学**在府城南十二都。元至正间，歙人郑潜以泉州总管致仕，寓居于此，因创义学以教乡闾子弟，又置田百亩以供其费。 **绝学寮**在府治北越王山之阿，相传宋张浚读书养素之所。

长乐县学 在县治东兴贤坊内。唐乾符四年建。宋邑宰董渊、吴仲举、萧玆、施闻相继治，卒莫能就。元祐三年，袁正规宰邑，亟议修建。邑人林通者作县图经，命燬之，得钱二十万。县之富民皆相与殫力，乃仍旧殿新之。背殿有堂，翼以两序，为斋十二。崇宁初，舍法行，增至五十三区。淳熙间，斋省为三。元延祐八年，创从祀两庑。至正十二年重建礼殿及两庑。北为明伦堂，南为戟门，门外东西为神厨，神庠，宰牲房。又南为棖星门，门内为泮池，池上为石梁。东偏为学门，东庑之东为米廩。国朝天顺七年，知县任衡重修¹⁴。成化十七年，知县罗叙撤明伦堂而新之¹⁴。附堂东西为两斋。邑人郑序为记。 **射圃**在学之南，构亭其中，匾曰“观德”。 **阜林乡学**初在县南海滨曰“祉溪”。宋英德府学教授林垓子¹⁵创建，后废。国朝洪武十二年，其孙文鑑¹⁶谋于乡族，改卜于溪之阳曰“阜林”，建礼殿、讲堂，左为列舍，以肄诸生。右为祠堂，以崇先贤。门庑庖福完具。道无所出，里人李麟筑田为之。地有阙，里人林节生奉园足之。吴海为记。

连江县学在县治东南里许。旧在县治东，宋嘉祐三年知县朱定修庙为学，政和初广之，凡四十三区，有善养堂，为斋凡三。绍兴八年，知县林觉移建今所，背长汀，面云居，邑人林日华率陈元礼、林龙¹⁷、林德等饷钱万有奇助之。重门修廊，巍殿中峙，有翫经阁、鸞说堂，更为四斋。邑人李弥远为记。淳熙八年，邑人郑鉴言：“学与夫子庙东向非宜”，邑宰苏懋遂改建南向。殿之后为进德堂，堂之上为稽古阁。增斋为六。嘉祐二年，邑宰赵汝训增筑尼山子学宫之后。宝庆三年，邑宰郑沆凿泮池于戟门之外。咸淳八年，邑宰宋日隆新风池坊于棖星门之前。元皇庆二年，县尹夹德明、教官徐复协力缮修，积二年而庙学复新。政和元年¹⁸，县尹成和复拓殿之前楹而广之。至正二十一年，平章燕赤不花与秘书监乡贡师泰等捐己俸葺大成殿东西庑，建仪门、棖星门，改正德堂为明伦堂。国朝洪武初重建。永乐二十年，教谕吴嗣善捐俸倡众重修明伦堂并稽古阁。正统十年，知县刘仲戡复市材将重建之，以任满去，未果。其后知县欧阳翰¹⁹踵而成焉。堂之上为阁，以藏书籍，仍匾曰“稽古”。成化十九年，知县凌玉玠以厨廩靡舍岁久而弊，复修葺之。 **射圃**在学之西偏。成化十九年，知县凌玉玠建亭于其中，匾曰“观德”。

福清县学 在县治之东。旧先圣像寓于三礼堂，邑人提举游冠卿始舍地创庙。宋元丰元年，复广庙地建学。元祐六年，知县方叔完又广而新之，市钱塘书籍储于经史阁。崇宁初，增至八十四区，为斋三。淳熙元年，知县刘墩增斋为四。明年，改学门南向。元至元三十年，县尹曹璠塑七十二贤像于县之东西庑。元贞元年²⁰宪使程文海修学门，仍自书匾。明年升为州学。大德三年，知州毋逢辰即经史阁故址创堂

二，曰“道立”，曰“帅正”。并建学官廨舍于尊道堂之东偏。皇庆元年省斋为六。延祐五年，州判乃麻歹移戟门稍进而南，匾其左曰“肃容”，右曰“聚敬”。泰定四年，知州贾思恭复新两庑。至正九年，知州林泉生以为前庙后学类浮屠梵宇之制，乃更作之。左为明伦堂，右为大成殿，殿之南为东西两庑，堂之南为东西两序，又南为泮水，又南为前序。泉生自为记。十二年，知州中国辅²¹建戟门、棂星门，更新两庑及诸从祀像。郡人陈豫为记。国朝洪武初复为县学，寻重建明伦堂，正统四年修。天顺三年为风雨所坏，分巡金事牟俸命有司重修。神厨在学之南，米廩在学北。成化十七年，知县庞珉以棂星门腐弊，且太迫戟门，乃拓地伐石重建。射圃在学之东北。龙江书院在县东方明里海口。其始，莫详何人所建。宋宣和六年，镇官陈邻重修²²，附以书堂数楹。后王莘、林光朝、林亦之、陈藻四先生相继讲授于此。端平间重建。元延祐二年，漕台知事贾思恭修。六年，海口场司丞庞证更造明伦堂。后复坏。至正十六年，山长张子房、福清州吏目里人陈子全重建未备，知州申闰奴捐俸率里之好义者修大成殿，构明伦堂。又为三贤堂，以祀光朝、亦之、藻三先生。国朝洪武初，书院不复置官，日渐颓废。二十五年，泽朗山巡检张敬捐俸重建仪门，以为乡人讲学之所。石塘书院在县西文兴里，宋寒斋林公遇讲学之地也。景定四年建。

古田县学 在县西隅，旧在县东，宋景德二年，邑宰李堪撤佛宫，毁淫祠，取其材创建庙学，塑先圣十哲及绘诸从祀像。嘉祐二年，邑令陈昌期修。崇宁初增至九十一区，建九经阁、会道堂，左右序为斋八，外为小学。绍兴元年毁于建寇，乃寓于佛宫。三年，邑令周彦耀²³始创于县西郊。七年，诸生林好古、陈鬲、卓冠与其邑人裒金钱百余万，请还学于景德旧址。邑令邓观、帅守张浚许之。岁终告成，堂殿斋舍俱备。二十四年，邑令汤逸始移建今所。乾道二年，邑令杨汝南复移于溪东。宝祐元年，邑令许鉴又移于今所。元至元间复毁。元贞元元年，县尹王焕始建礼殿²⁴，翼以两庑，其南为戟门，又其南为棂星门，其北建道立堂。殿之东为明伦堂，东西两序为四斋，堂之北为会饌堂，南为教思亭。又南为外门，门内为泮池，而梁其上。延祐七年，县尹陈均建明伦堂。至治二年，县尹阿玉创穿堂于明伦堂之后。国朝洪武五年，知县邓恭创味道堂于穿堂之后，又建会饌所、乐育亭于味道堂之后，改道立堂为文昌祠，其北为学官廨舍，又其北为米廩。十五年，创神厨于明伦堂。东序北为宰牲房。省斋为二，斋之后为诸生栖息之所。正统十一年，主簿龚铖修棂星门及师生廨宇。景泰元年，御史罗澄命有司修饰两庑及诸贤位置。天顺间，教授周瑄立泮宫门于外门之外。成化五年，县丞吴仪重修两庑。十五年，知县汪璠建两庑、棂星门、神厨及会饌堂。是年，提学金事周孟中出文昌神于道院。浣溪书院在八都伪闰附马魏鹏祠堂之旁。宋时建。中有夫子庙，朱文公书匾。城南书院在十三都溪东。宋乾道间学基也。元时建为书院，中有夫子庙，后圯。国朝洪武五年改为射圃。八年，署县事永福丞毛秀建亭其中，匾曰“观德”。十五年，主簿苏进仍匾其门曰“城南书

院”。**嵩高书院**在一都水口，宋时建，后废。提刑曾颖监水口镇日，即其故址创为水口镇，学中有夫子庙。端平间，颖持宪节，行州事，乃贖以灵洞废寺之田，仍置副使一员收税。（上三书院俱在县南。）**蓝田书院**在县东三十六都杉洋。南唐员外郎余仁楷创建，中有夫子庙，朱文公书匾，盖其门生余隅¹⁶所立也。（已上三书院元时以为乡校，各有堂长，县学提督之。）**螺峰书院**在县西九都螺坑，朱时建，今废，惟存“文昌阁”三字，朱文公所书也。**魁龙书院**在县西南十都之白沙，宋时建。**东华精舍**在十四都平沙，宋时建。**兴贤斋**在三十五都龙津境，朱文公门人余范建，文公为名其匾曰“兴贤斋”。**西斋**在三十六都杉洋镇之西。朱文公门人余隅、余范读书之所。其匾亦文公所书也。（上精舍及斋凡三所，俱县南。自嵩高书院至此凡七所，元季俱废，其址今为民居。）

永福县学 在县治东。宋崇宁元年修，凡五十二区，有养士堂，为斋凡三，建炎三年毁。绍兴初，邑宰陈炎重建祖完，更为四斋。乾道间，邑宰谢龙大而新之。后复毁。邑宰侯至果重建讲堂。端平五年，邑宰舒复宗营缮始备。宋末又毁于兵。元至元十八年，县尹突均与邑人前国子监丞张居中建礼殿、讲堂。延祐间，县尹刘企祖建棂星门。泰定二年，达鲁花赤山童重修，并造祭器。后邻境盗起，庙学俱废。又五年，理问王那木罕¹⁷莅县事，悉复其旧。中为大成殿，殿前为东西两庑，南为戟门，又南为棂星门。宰牲房、神厨在殿之北，又北为神库。明伦堂在大成殿之东。堂之前列两斋。南为泮池而桥其上。堂之后为后堂。国朝洪熙元年修。景泰元年，知县胡奎重修。仍建兴贤阁于棂星门之左。王那木罕即王翰也，后为潮州守，国初死节，详见《名宦志》。**射圃**在学之西里许，中为观德亭。

闽清县学 在县治之东南。宋景德四年，县令史温即废廩地，创礼殿，塑先圣十哲像，仍因六十于及大儒像于壁。构堂一、阁五、讲堂一。又有谈经楼三、礼堂、祭器库、严奉轩。温自为记。绍圣二年，祝亚为宰¹⁷，陈罔初擢制科第一以归，与邑人协力新之。又作堂以祀其兄祥道。崇宁初，舍法行，增为四十一区。有稽古阁，为斋凡四。淳熙五年毁，明年重建经史阁，为斋十二。宝祐元年复毁。四年重创未备。元至元三十一年，县丞董祜建棂星门、文昌楼、藏书阁及斋四。泰年三年，县尹贾光祖重修藏书阁；明年修礼殿及两庑。国朝洪武初，知县赵起居建神厨、祭器库于殿右。十五年，建米廩于明伦堂西。三十五年，知县沈源重修庙学，建两庑及棂星门。永乐十年¹⁸，知县朱毅以明伦堂倾欹，乃移创于殿北旧基之后，列东西二斋于前，建膳堂、文卷库于左右。正统元年，知县叶宗重修庙学及两庑，饰圣贤像而新之。景泰三年，知县莘节重修棂星门及神库。天顺二年，教谕马能建儒林坊。成化三年，教谕鲁琦重建两庑；知县左辅创尊经阁于殿南，复修棂星门。**射圃**在学之东。永乐十年¹⁸，知县朱毅建。成化四年，知县左辅增辟。

罗源县学 在县治东南百二三十步。旧在四明寺南，宋庆历八年，邑宰陈偶

建，延郡人郑穆为师，以劝民学。元祐六年，邑宰袁符及士民倪显奏请迁今所。崇宁初，增至九十九区，有议道堂，为斋凡九，外立小学。建炎间毁于建寇，寻复创。绍兴初，主簿廖颺大加修建。嘉定九年，邑人大谏黄序又拓其基而改创之。其后邑人蔡酒张璜复增创文星堂于学之西序。元延祐五年，达鲁花赤山童、教谕林兴祖更建大成殿及两庑，前为戟门，又前为棂星门。棂星门之内为泮池，而桥其上。后为明伦堂，之前，东西为斋四。泰定三年，达鲁花赤塔海重修并建外门。至正三年，县尹丁某¹⁰复大加修葺。建待班厅，翼明伦堂为两祠，左祠乡贤，右祠文昌。广田畴，新斋序。后至元间寝废。国朝洪武初重建。正统十二年，教谕黄绶¹¹、典史谢志保重修，创东庑及慎德厅，复创外门。后值兵乱，而庑遂废。景泰六年，知县汤文端、教谕李昱、训导陈亮出己貲，倡邑人修戟门及两庑。重建明伦堂及藏书楼东西两斋。堂后为中堂。凡轩舍廡庑俱焕然一新。成化十六年，教谕吴荣、训导折祥以堪輿家谓旧门不利，乃白于同知韦济，遂发帑银，命知县施弘改创于学之西北巷口。射圃在明伦堂后。正统十二年，教谕黄绶建观德亭于其中。成化十八年，知县陈瓌重建。

建宁府

府学在府治东北中和坊黄华山之冈，即古三皇庙故址也。旧在府治西南，宋宝元间始建，赐田五顷以贍生徒。熙宁间，始置教授。于时庙在建溪门内之东，学在郡治之南。元丰间，赐田至十顷。崇宁、大观间，行舍法，学舍增至三百余间。建炎间兵燹，郡守刘子翼复建学舍，始立庙于学。绍兴十四年圯于水，惟礼殿独存。十五年，郡守张铎、漕吏徐琛、马纯请于朝，得钱二十万，兴工重建。郡人范寅秩继领漕事，相与成之。中建大成殿，左右为两座。殿之后为明伦堂，东西各六斋。由堂而入，有御书阁厨湏仓库毕备。复建教官私第于学之东。郡人胡寅为记。郡守陈正同又于堂之左右为祠，以祀游酢、胡安国。淳熙十一年，郡守赵彦操重修庙学及创建射圃，继守黄通复嗣修之。宝庆初，郡守叶时又重修殿庑宇、斋舍及三贤堂，仍增辟小学。郡人真德秀为记。端平二年，复毁于兵，殿宇幸存者危欲倾颓。郡守姚琏复建明伦堂。嘉熙中，漕使王伯大建御书阁，阁之下祀游、胡而下诸贤。后守王社散¹²重建大成殿。淳祐初，漕使方大宗¹³更议右庙左学之制。元年，博士赵升夫¹⁴乃始为殿，而安抚徐青叟¹⁵、漕使项寅孙、庾使李昂英、赵纶、蔡煊¹⁶皆助其费。继守王桢、王拯、王遂共落成之，并建尊经阁、紫芝堂，庙学之制于是备。王遂为记。岁久而圯。元泰定二年，总管伯颜帖木儿太中¹⁷，悉复葺旧。教授毛直方为记。后斋舍灾，郡守暗都刺重建。至正二十年兵后，参政阮德柔因旧重葺。国朝洪武六年，教授周斌又加缮修。十九年，建安知县余恭立祠于尊经阁后，祀宋朱熹，以蔡元定、真德秀、刘燠、黄翰配。二十四年悉毁于火。永乐三年，知府芮麟、教授张信改建今所。初，其地半为帅阃廨舍及军士室庐，至是，都指挥师祐、徐信乃撤其居而以地来归。知府刘敬继至，专命检校李新董其役。建大成殿两庑戟门、棂星门、神厨、神庑之属于其东，建明伦堂、斋

舍、尊经阁、会讲堂、乡贤祠、泮池、学门、庖廩之属于其西，靡不完具。尊经阁下祀朱熹及郡之先贤，匾曰“春风堂”。学门左右又树二坊。匾曰“金声玉振”。成化三年，知府刘铖，又建藏书阁，匾其下者曰“集贤堂”。十五年，知府曾会重修，十七年，尊经阁灾。十八年，钦差镇守太监陈道及提学金事任彦常等，以棖星门及学门前地势偏狭，而以没官地增拓之。射圃即旧学址也。知府刘敬建¹¹，中有观德堂。

建安县学在县治东南登俊坊。即宋贡院元屏山书院址也。宋熙宁三年，甌宁县废，遂葺其址以为建安县治。学在县中门外之东。建炎初，毁于寇，以学故址置丞厅，学职附于郡庠，县给其俸而已。庆元三年，县令俞南仲别建学于城东宁远门外古社坛之右。元至正二十年毁于兵。国朝洪武初，因旧址重建。十一年，知县裴珏始迁今所。葺旧书院之堂为明伦堂及后堂。二十年，知县余子恭建大成殿于明伦堂之前，东西为两庑，前为戟门，又前为棖星门，复建东西二斋于明伦堂后。永乐十四年圯于水，惟明伦堂及东斋仅存。十七年，知县徐宗重建棖星门，岁久俱圯。正统十年，知府张瑛重建明伦堂。天顺八年，教谕朱义以学基狭隘，请于知府刘铖，买邻居屋地十间有奇以广之。成化八年，通判陈公真命知县周正，教谕吕凯董建大成殿，翼以两庑前为戟门，左为文昌祠，右为刘屏山祠。戟门之前凿泮池，架石桥其上。又前为棖星门，移明伦堂于右。后为折挂堂，前立东西二斋及号房。中为仪门，前为外门，门之右为教谕廨舍，其后训导廨舍二所。成化十六年，知县桂镐创会讲堂。十八年，重建棖星门。**屏山书院**在府城南。旧在登俊坊。元至正六年郡守赵镛建。中有祠，祀宋儒屏山先生刘子翥，以门人朱熹及先生从于拱配。盖书院基实拱故宅也。国初改为建安县学，而迁先生像，祠于戟门之右。天顺八年，知府刘铖、推官胡纆即洪山废寺改为分院，昇先生像奉安中堂，配位如故。仍匾以旧额，铖自为记。**建安书院**在府城中，今府治之北。宋嘉泰二年¹²，郡守王埜承理宗隆祥之命特建以祀朱文公，而以其文定公配，详见《名宦志》；复创燕居堂于其左，以奉先圣，环列斋舍以为郡士于讲学之所，而匾之曰“建安书院”。尝延廖德明门人郑师尹及蔡元定之孙模，以典教事。是役也。经始于埜，而后郡守王遂实成之。国朝洪武十九年，知县余子恭改旧府学为书院，而以旧书院之址建知府廨舍。**社学**一所在府治南丛桂坊；一所在府治东南兴贤坊；一所在县治南崇儒坊，洪武十六年建旌善亭于此¹³，寻废。成化十六年，知县桂镐白于提学金事周孟中，改为社学。

甌宁县学在府治南丛桂坊，即府学故址也。甌宁自宋治平二年始置县于宁远门侧，而学建于县治之左。熙宁三年，学随县废。元祐四年，县复置于朝天门外，而学在县门外之东。建炎初毁于寇，学附于郡庠。庆元三年，县令刘唯然改创于县治之西。元因之。至正二十年毁于兵。国朝洪武十二年，知县王迪始建学于郡城外蓬溪之西敬客坊之右。永乐十四年圯于水，唯大成殿、明伦、正谊二堂及仓仅存。十七年，知县熊从膺¹⁴、教谕宋轍等以学隔大溪，水不时溢，艰于往来，白知府张瑛改建今

所。创大成殿、明伦堂及东西斋号房，仪门、外门具在殿之左，教谕廨舍在明伦堂之后，二训导廨舍在明伦堂之右。既而沙、尤寇作，复废。景泰二年，金事曾蒙简规措而葺新之。三年，知府贺宏¹³、通判萧环等建饌堂及厨房、号房于明伦堂之左。天顺八年，知府刘斌建棖星门及明伦堂两斋号房，修仪门，移学门。至是，学始完美。浙江按察使曾蒙简为记。 **社学**一所在府治西南大中寺右，一所在府治西普照堂左。

浦城县学在县治东南一里。其创建未详何年，盖自宋庆元间已在于是。元季遭兵燹。国朝洪武元年，知县张鹏举重建大成殿，塑先圣四配十哲像，旁建两庑。七年，知县宋始建戟门于殿之前。十二年，知县张宗颜建明伦堂及两斋于殿之后。二十三年，知县史志可凿泮池，作石桥于其上，又建棖星门。教谕余守宏¹⁴辟学东畔，隙地为神庠、牲房及会饌堂、庖厨等屋。宣德六年，知县周原庆修葺两庑及东西斋。正统九年，知县甘启¹⁵、县丞何俊修大成殿、明伦堂、会饌堂，复构堂于风池之上。天顺二年，府推官胡缉重建两斋。成化十三年，知县张昞建学之正门。十六年，知县刘珩以大成殿及两庑年久颓坏，白于台省，撤而新之。未几，珩以家艰去。部使者撤府推官李时新来视县事，而同知李明以公事至，遂协谋终其役。知县许澄继至，复加藻饰，焕然一新。修撰谢迁为记。 **射圃**在学门外之东。洪武间，教谕余守宏建，中有亭，匾曰“观德”。 **西山精舍**在县东隅。宋嘉定十四年，真德秀建为讲学之所，匾曰“西山精舍”。中为讲堂，旁翼两廊，后为拱极堂，德秀自有记。元时圯。国朝洪武九年，县丞朱德昌因其旧址重建，以祀德秀，岁久又圯。景泰元年，县丞何俊重修并塑像，而择真氏子孙居之，学士刘俨为记。成化十一年，参议裴衷给田六十六亩以供祀事。 **梦笔山房**在梦笔山麓。亦真德秀所建，为藏修息游之所者也。魏了翁为记。今废。 **读书堂**一在县西上相里西岩岭之麓，宋章得象读书处也。一在县西梦笔山麓等觉寺之右，宋杨徽之读书处也。 **读书阁**在县北长朱里能仁寺之右，宋杨亿读书处也。 **书斋**在县东北忠信里太姥山之麓，宋徐修读书处也。（上四处俱废，故址尚存。） **社学**二所在县东隅，二所在县南隅，一所在县西隅，一所在县北隅。

建阳县学在县治西，废栖隐寺故址也。旧在文溪之浒，即今护国寺是已。宋建炎，兵毁。绍兴七年，知县陈亚卿重建。未几从刘煊之请，以同由里护国寺与学互易。于时知县赵与洵¹⁶修建一新，王遂为记。其后县尹王溥¹⁷复增学田，以廩学者。国朝洪武二十八年，主簿丘松因旧重修。永乐十四年，学官两庑皆坏于洪水。正统八年，监察御史罗绮捐俸为倡，知县王原善遂重建及棖星门，并凿泮池，架石为桥，又改建诸生学会及庵瀆之属，罔不毕备。教谕王虎为记。成化九年，巡按监察御史李行、提学金事游明，以学隔大溪，每春水涨驶往来不便，乃择徙今所¹⁸，专命同知李明董其役。左建大成殿，东西为两庑，前为戟门，门之前凿池而桥其上，桥之前为棖

星门。右建明伦堂，堂之东西为两斋及号房。前为仪门，门之左为宰牲房、神厨，右为饗堂。前立儒林坊。明伦堂之后为教谕导廨舍各一。知县海澄为记。十一年，知县项奂复于棧星门之左买民居，增置训导廨舍。一十八年，知县汪律⁴⁴等重建棧星门及改建宰牲房、神厨于右。射圃在儒学明伦堂之前，成化九年随学创建。考亭书院在县治西三桂里南。唐侍御史黄子俊⁴⁵于此建亭以为望仙之所，名曰“望考亭”。宋朱松尉尤溪时经此，爱其山水清邃，恒欲卜居而未果。绍熙三年⁴⁶，其子熹奉承志，筑室居之。五年，以四方来学者众，因建精舍于所居之东以处之。匾曰“竹林精舍”，更曰“沧州精舍”。前为明伦堂，又前为燕居庙，以奉先圣。庆元六年熹卒。宝庆元年，邑令刘先庆，始辟为祠祀焉。淳祐四年，诏立为书院，御书“考亭书院”四大字匾之。十一年，漕使史季温重建燕居庙。元至正二十五年，郡判官方逢辰重建书院。邑令郭瑛又增辟之，复相与规划，增田至五百亩有奇，供祀之余，以贍师生廩饩，名曰义学。初，省、府以熹三世孙沂充书院山长，既没，诸生请以四世孙春教其职。至是，乃以熊禾、魏梦牛分教大小学。祠以黄干、刘焯、蔡元定、真德秀侑食。邑人熊禾为记。至正元年，郡通守刘伯颜、属县典史陈德、山长朱汝舜、直学张隆祖重葺而新之，学士虞集为记。国朝永乐十四年，圯于洪水。宣德七年，县丞何景春重修。天顺六年，监察御史刘钰、顾伊命府推官胡缙措置改创，中为祠堂，前为明伦堂。堂之左为韦斋。祠堂之前为书院，仍揭宋理宗御书匾于上。移燕居庙于祠堂之后，俱翼以廊庑，而庠廩庖湑之所，则于祠堂左右附焉。燕居庙之前旧有池，池上有天光云影亭，亦久荒废，至是并新之。亭方就绪，刘焯代去，其兄铎未守是郡，遂替成之。学士彭时⁴⁷为记。沧州精舍，周必大题匾，元时即此为祠堂，以祀文公。同文书院在县西南崇化里，即今书坊也。宋乾道七年，朱熹建之，中为堂，以奉先圣。堂前为书室，以贮图书，后遭兵燹。元大德五年，泉州总管府推官张光祖重建。今藏《洪武正韵》、《劝善书》及诸官书印板于其中。光祖乡贯未详，疑其邑人也。

云谷书院在县西崇泰里庐峰山之颠。宋乾道六年，朱熹爱其山水函道，因名云谷，构草堂于中，号晦庵。元季倾圯。国朝成化十七年，按察金事谈俊捐俸命其九世孙格重建。鹰山书院在县西禾平里。宋绍兴间游酢尝讲道著书于此。因面山，故名。后废。国朝洪武二十四年，嗣孙勉遣重建。又崇安县建书院以祀酢，亦匾曰“鹰山”。云庄书院在县西崇泰里马铺太平山麓。宋刘焯故居也。嘉熙三年，赐“云庄书院”额。中为堂，匾曰“近思”。后为祠堂，以祀焯。前为门，仍揭熹熙赐额。国朝成化十五年，知县海澄因旧址建二坊于门之左右，左曰“世家先哲”，右曰“光禄”。庐峰书院在县西崇泰里北峰下。宋乾道间，蔡沉尝构精舍于此，为讲道著书之所。宝祐三年，理宗御书“庐峰书院”匾之。其孙公亮给田三百亩以贍学者。元初，其田为有力者所夺，书院亦圯。其孙希仁极力经理而复之。中为堂，堂之前建“尊道堂”，以祀先圣。又建二堂于“尊道堂”之前，左曰“传心”，以祀朱熹，右曰“思敬”，以祀沉之父元定及沉。成纪为记。岁久颓废。国朝天顺七年，按